

## Convocatoria do 06 de maio de 2022, da Universidade de Santiago de Compostela, pola que se establecen as bases reguladoras e se convocan axudas para a publicación en aberto (curso 2021-2022)

### PRIMEIRA. Obxecto da convocatoria

A convocatoria ten por obxecto mellorar a presenza da Universidade nos rankings internacionais incentivando a publicación en aberto nas máis prestixiosas publicacións do JCR, Scopus e outras bases de datos de recursos bibliográficos electrónicos de referencia, como CIRC, clasificación integrada de revistas científicas de Ciencias Sociais e Humanas.

### SEGUNDA. Requisitos dos solicitantes

Poderán solicitar estas axudas as persoas coordinadoras dos grupos de investigación que figuren rexistradas no Catálogo de grupos de investigación da Universidade de Santiago de Compostela na data de remate de presentación de solicitudes

Será requisito de participación nestas axudas que todos os membros<sup>1</sup> (PDI) do Grupo teña unha conta ORCID activa e actualizada na data de presentación de solicitudes e, en todo caso, antes do libramento da axuda.

### TERCEIRA. Condicións, contía das axudas e conceptos subvencionables

O importe destas axudas irá destinado a financiar as publicacións en aberto no Q1 das revistas científicas do JCR e Scopus ou A+ e A segundo os criterios de CIRC, [Clasificación Integrada de Revistas Científicas](#). En función do crédito dispoñible o importe do financiamento poderá alcanzar o 100% da factura correspondente á cota de edición dos artigos **publicados/aceptados entre o 1 de xaneiro de 2022 e o 31 de outubro de 2022**, de acordo coas seguintes condicións:

1. Só se concederá unha axuda por grupo no ano en curso
2. Só se concederá unha axuda por artigo
3. Algún dos autores do artigo debe ter vinculación contractual ou estatutaria coa USC.
4. No momento da solicitude admitirase a factura pro forma do artigo quedando condicionada a concesión da axuda á existencia de factura orixinal
5. A data da factura deberá estar comprendida entre o **1 de xaneiro de 2022 e o 31 de outubro de 2022**

---

<sup>1</sup> Terán a consideración de *membros do grupo de investigación* a efectos desta convocatoria tódolos profesores doutores vinculados estatutaria ou contractualmente coa USC, así como aqueles investigadores postdoutorais adscritos á USC no marco de programas e convocatorias Ramón y Cajal, Marie Curie, investigadores postdoutorais autonómicos, investigadores/as do programa JIN, investigadores de programas financiados por fundacións privadas ou programas propios seleccionados en condición de competencia homologable.



6. No caso de que o custe do artigo xa se teña imputado contablemente a unha partida orzamentaria da USC no momento da tramitación da solicitude de axuda, **non poderá ser obxecto de financiamento** desta convocatoria de cumprirse algunha destas dúas condicións:
- Se o custe figura imputado a outros programas ou axudas que xa foran xustificadas pola USC ao organismo financiador.
  - Se o artigo está asociado a un proxecto europeo que teña recoñecido financiamento específico para este mesmo fin (gastos de publicación en aberto)
  - Se o artigo foi publicado ao amparo dos Acordos Transformativos que ten asinados a USC. Para o ano 2022 están en vigor acordos coas seguintes editoriais: American Chemical Society, Cambridge University Press, Elsevier, Oxford University Press, Springer e Wiley. Pódese ampliar a información sobre os devanditos acordos e os títulos elixibles para cada unha das editoriais na seguinte ligazón:  
<https://rebusca.usc.gal/quia-acordos-transformativos/inicio>
  - Se a factura non está emitida a nome da USC
  - Non se financiarán custos derivados da tradución do artigo. Só os custos de publicación en **aberto**

#### CUARTA. Financiamento

O financiamento da presente convocatoria, por un importe máximo de **50.000 €** efectuarase con cargo á aplicación orzamentaria **8050-271P-64100**, do Orzamento da Universidade de Santiago de Compostela de 2022 e estarán cofinanciadas no marco do Convenio de colaboración para o desenvolvemento de novas accións de I+D+i entre a Consellería de Cultura, Educación e Universidades e a USC para o ano 2022 (Actuación: “*Accións Transversais de apoio á I+D – Axuda Publicacións Q1 en aberto*”).

#### QUINTA. Procedemento e prazo de presentación de solicitudes

As solicitudes, dirixidas á **Área de Xestión da Investigación**, presentaranse a través do **registro electrónico XACUS**, da Area de Investigación.

Lémbrese que non se admitirán facturas que foran xa pagadas por organismos alleos á USC.

O prazo de presentación de solicitudes comezará a partir do día **09 de maio de 2022** e estará aberta ata o **31 de outubro de 2022**, salvo no caso de que o orzamento ao que se refire a cláusula cuarta “*Financiamento*” quedara esgotada nunha data anterior ao do remate do prazo de solicitudes. Nese caso farase público na web da Vicerreitoría de Política Científica.



#### SEXTA. Instrución do procedemento

A instrución do procedemento desta convocatoria correspóndelle á Vicerreitoría de Política Científica que realizará de oficio todas as actuacións necesarias para a determinación, coñecemento e comprobación dos datos en virtude dos cales deba resolverse cada solicitude.

Unha vez recibida unha solicitude se a mesma non incorporara toda a información esixida nesta convocatoria requirirase á persoa solicitante para que, no prazo máximo de 5 días hábiles, emende a falta ou acompañe os documentos preceptivos. No caso de non facelo terase por desistido na súa petición

As propostas de financiamento publicaranse na **web da Vicerreitoría de Política Científica** nos primeiros 15 días de cada mes.

#### SÉTIMA. Libramento da axuda

Como regra xeral, a factura deberá ser imputada á partida orzamentaria financiadora destas axuda (8050-271P-64100). No obstante, naqueles casos nos que a factura xa estivese tramitada e/ou pagada por outra partida do orzamento da USC, poderá facerse efectiva a axuda mediante transferencia de crédito á partida na que figure contabilizado o gasto. Se a axuda non cubrise a totalidade do custo do artigo, a Subárea Económica arbitrará os mecanismos que procedan para facer as imputacións parciais na xustificación de cada unha das axudas que cofinancien o gasto.

A presentación de solicitudes implica o coñecemento e a aceptación destas bases.

Por delegación do Reitor  
(RR do 21/04/2022, DOG 26/04/2022)  
O Vicerreitor de Política Científica  
Vicente Pérez Muñuzuri

## Sinatura dixital / Firma digital / Digital signature

**Asinante/Firmante/Signer:** VICENTE PEREZ MUÑUZURI, VICERREITOR DE POLITICA CIENTIFICA,  
UNIVERSIDAD DE SANTIAGO DE COMPOSTELA, 05/05/2022 18:19:40.

**CSV:** 4F0B-BBB9-460A-9E27